

四庫全書

集部

欽定四庫全書

集部  
遵巖集卷三

詳校官給事中臣王鍾健

中書臣劉源溥覆勘

總校官檢討臣何思鈞

校對官編修臣王坦修

謄錄監生臣沈侯

欽定四庫全書

遵巖集卷三

明 王慎中 撰

五言律詩

辛卯元日二首

居正王凝命履端帝發祥光華開上日玉帛走羣方  
奠焚符堯錄卿歌睹舜章青裳臨左个天子在明堂

候轉三陽泰天周一紀分緯纏占聚景日表應重輪建

寅夏時歷王正魯史文鴻恩將瑞氣四國奉歡欣

送呂思抑戶部之淮上三首

詔使發河陽仙郎惜署香家臨京口郡節建海陵倉冰  
后過全魯花時到下相蒼蒼葭茨外明月定相望

相見仍愁遠臨分益思親亦多傾蓋者誰是聽琴人駿  
骨何當市明珠且自珍翻飛未可料將子暫風塵

憐君宦隱處淮水日悠悠橘刺青書幌濤聲散郡樓元  
王餘館榭闕伯故林丘更有山阿賞還因桂樹留

南郊夏行二首

路轉妨旌折橋平度馬齊風花一水靜烟柳萬家迷目  
極心逾遠朋高酒共攜前尋還有徑應是武陵谿  
物色繁初夏行行野望新村沙平送騎峰照遠明人出  
谷闕幽事看雲減病身傳心同志者行樂及芳辰

張氏園庄宴集二首

地僻軒初集芳林賞不違杯傳浮蟻泛席換落花依凭  
檻千山出開籠一鶴飛莫言耽燕佚得笑百年稀

展席臨水曲移樽對苑沙翠分縈沼竹香到圍欄花歌  
轉遊魚出舞嬌輕燕斜高懷猶未歇亭樹已昏鴉

天壇郭道士院

軒蓋凌晨集盤觴此地賒縈雲鮮五色瑤草粲三花  
桂清仙院蓬壺接帝家晚聞鳳吹咽疑度赤城霞

秋祀太學視宰

廩滌俵潔爐烟冉冉升視燎晨舉火司濯晝行冰衡  
福穡人警鸞刀膳宰能齋心嚴祇役共祀在明馨

宿澤上人房

投宿依山刹，禪扉隱隱開。  
清齋宜鳥語，坐定見僧回。  
竹動名香散，鐘鳴清楚來。  
因嗟在人世，擾擾逐浮埃。

翠華巖

振策凌絕巘，尋幽到翠華。  
昔聞晤真者，曾此煉丹砂。  
洞口液鍾乳，崖陰燦寶花。  
坐看天路近，鸞思極烟霞。

即席賦送張子使邊四首

奉使星辰遠，行邊道路賒。  
十旬常霧雨，千里但風沙。  
燧

火防秋警旌旗閃日斜壯遊元夙志公出已忘家

張已去都

下而攜  
內適至

邊報真聞汝國荒猶未休賑輸堠吏急節制大臣留蒿  
翟時能給干戈不自謀杞人有浩歎尊酒豈銷憂

寨險屯仍廢軍懸鎮亦孤陰風連大漠平莽靜方隅曠  
野惟多壘元戎盡剖符看君經畧者早上伏羌圖

漢世窮源使明時足餉臣黃河喧夜渡荒戍斷行人寶  
鉞飛邊月征衣帶朔塵悲歌暮相對慷慨一傷神



郊興二首

四月西郊路物華淨客心遊情會滄海舉目見高岑  
麥秀平分隴蘭榮弱冒澍登高宜有賦況值暮鴉吟

河曲孤村抱峯迴細路連飢鶯啼古寺浴鳥下晴川  
跡已市朝遠心將雲水玄真遊乖良晤心賞自悠然

寺宿二首

杖策吾來此幽棲亦自娛劇傷時序晚靜得琴尊俱  
山抱畫簾入雲開紫閣孤無營禪共寂不寢鶴相呼

古寺依山寂停鞍對暮花霜鐘歸院鶴風柝集城鴉楓  
落猶秋色菊殘有歲華山僧誰解汝吾分已塵沙

圓靜寺二首

身病登山健寺幽引興長聽鶯過別院歇馬傍疎塘竹  
散晴窻影花飄晚檻香高遊有如此誰肯戀紳裳

仄徑垂蘿密高崖薦葛長疎槐陰玉宇尺鯉躍金塘入  
殿齋僧禮開軒到妙香亦知絕地迴朱霧細沾裳

通真觀

桂闕晞青嶂花宮入紫雲金箱丹訣秘瑤界洞簫聞石  
髓融融液爐烟裊裊薰須逢緱城鶴接翼去人羣

宿通惠寺

寶地開龍象珠光布法筵風凝祇樹雪日麗梵花烟塵  
跡山將遠禪心月共玄淹留愛風景瀟灑夜分眠

再至功德寺與張水部偕二首

路諳能自主僧狎不須猜蔓藤猶覆院萋草已侵臺竹  
憐獨宿處花為再看來與君同避地得笑且銜杯

舊宿春初轉今來節載陰風烟殊歲色雲物異登臨問  
松懷繫馬開閣戀披襟奔命兼行樂攜遊倍賞心

登陂羅閣

閣峻看天墮湖平益勢孤風簾齊鐸響雲磴拂衣趨指  
顧極空濶風烟乍有無青眸依落日縹緲入皇都

香山寺留題釋宗林房二首

香山覽勝到絕徑捫蘿登眺迴雲烟異天低風露凝地  
幽防俗客清論接高僧朱纓自不謝福地何當仍

遠公違俗久清刹倚山巔抗宇承青靄開軒俯碧泉無  
生空萬劫習靜定諸天長嘯逢顏色新詩與爾傳

山寺聞丘集齋下吏之報

漢柱我冠吏明廷簪筆臣醺恩寡黼衣抗疏逆龍鱗鄒  
子拘幽日賈生痛哭辰小臣元觸冒天子自英神

病中黃制科明舉招不赴賦謝兼柬張諸暨

故人憐寂寞約我共襟期蘭席開玉樹桂醕泛金卮剡  
溪虛雪棹鳬鳥阻雲遠頽卧幽齋裏春草長離思

柳湖亭讌遊二首

亭子水中洲，蘭漿美載浮。  
鷗翻當吹簫，魚眺近垂鈎。  
折藕憐絲細，探蓴愛乳流。  
更言明月好，中夜尚淹留。

積水漾虛臺，芳筵鏡裏開。  
魚驚壺矢躍，雲逐瑟絃迴。  
遲月燒紅燭，臨波洗綠杯。  
不辭湛樂久，未卜再能來。

春雪左順門侯牘東龔內翰二首

北地春仍雪，西山曉出雲。  
烟霏交彩仗，風引裊爐薰。  
蛟掌飛瓊箭，鳳池碎玉紋。  
菟園搗彤管，詞翰正思君。

鳴鳥趨丹禁飄飄雪灑衣樓雲低殿黑城旭弄堦輝玉  
樹光初亂瑤花濕不稀侍臣逐清切沾珮啓黃扉

隆福寺與諸友人夜談因雨假宿三首

揚子談玄處問奇策騎過浮烟禁苑樹驟雨長窻羅小  
隱情如此大觀道若何芳春颺欲暮莫自怨蹉跎

憐君避世者習靜碧雲隈遂有何顒興翻為孺子來譚  
經玉塵落倚瑟錦絃開夜深還說劍急雨助悲哀

春陰侵几杖夜雨靜琴觴虛院疏風入迴廊隱霧長坐

淹高士榻眠擬定禪床不染神俱爽無言意已忘

送許進士應元知泰安州三首

才子初為政青春獨領州禮壇遺夾谷封社舊姑尤岱  
岳標方望長河背郭流無因贈曾縞為爾賦齊謳

高才美少年為吏即神仙入境花迎綬行春雨映旂漢  
時供奉邑魯國謝歸田化理今良牧何須倚昔賢

一顧小天下巍然登泰山日晞渤海谷風起穆陵關石  
室金書閱陽厓玉碣刊今皇功德盛東道預脩壇



送曾汝誠給事使邊四首

馬嘶柳帳前使者欲行邊  
插羽黃金弭揔纓白玉鞭  
飛雲迷夜月積雪凍晨天  
燕將聞書泣君看魯仲連

太白壓遼城天狼照北平  
君王親用武節帥奉專征  
問罪馳軺入觀兵攬轡行  
當今將士怒歸及凱歌聲

授律及今時邀勲合有期  
漁陽新戍守涿鹿舊興師  
西日河冰坼北風邊草衰  
蘆笳聲四起漢使也應悲

慷慨一丈夫茲行君豈徒  
指揮調敝卒談笑靖邊隅  
古

塞開新款全軍奏凱俘歸來謝天子得似傅甘無

七夕效梁體

靈駕中霄會明河一水遙  
緩波通聚語流月鑒離標  
環珮香風散綺羅絳雨消  
微歡還復罷枉用鵲為橋

壽毛礪菴閣老七十三首

八座尚書貴三長太史賢  
履聲霄漢上彩筆衮衣前  
日月憂時鬢風雲應壽編  
翩翩東海鶴來往紫芝田

岡鳳輝難集垌麟跡自閑  
道聞姑射後身退五湖間  
春

洞桃花實秋山桂樹斑岱宗東魯望巉絕更誰攀  
十地丹丘合三山碧海望玄夷授玉笈王母奉金觴杖  
屨東山社松筠綠野堂蒼生懸謝傅何日賁雲章

南苑三首

別館南城邈離宮左掖通標形霄漢上動景雲霞中雨  
知清道潤草為望恩豐上林徒欲賦才謝長卿雄  
城闕鬱崔嵬行遊信美哉栢園春殿長荷匝午亭開複  
道玉繩隱河流銀漢迴忽然異人世不覺在蓬萊

懸榜儼列仙通波繞御川雲疑駐鼎地風想鼓鐘年嵌  
壑雲烟變連甍氣候偏即看避暑處何似漢甘泉

帝幸南苑三首

豫遊萬乘動慈悅兩宮和龍旂赤日轉鳳輦翠雲過暑  
避更衣殿春生浴鏡河千秋長奉壽歡樂豈云多

在圓靈臺啓橫汾離館開周王非獨樂漢武自雄材雨  
灑乘陽蹕山含進壽杯此時瞻華蓋拙疾謝嚴枚

天蹕應時康御筵矚苑芳開山金作嵌截海玉為塘睿

跡元遊物王心亦戒荒離明相見日長養遂南方

題孫宮允園亭用馬司業韻三首

敞閣偏臨壑幽林復帶波葉繁棲鳳竹蔓結偃虬蘿吳  
樹三春暗江濤八月多更憐垂釣處鳬鷺靜烟蓑

湘北藝蘭畹淮南叢桂山芳名誰並美詞客自高閒  
石璫為乳食芝玉作顏蓬壺如可涉他日許同攀

避地歌招隱耽幽此卜居詞華二陸後形勝六朝餘  
山鬼窺青管江妃扈赤書悠然東壁下宛掛兩銀魚

送人尹南海

昔日勾漏令尋仙亦繫官一紆青墨綬長就紫金丹君  
適朱方吏相期白日翰他時雙賜履遲爾五雲端

送人尹錢塘二首

王喬葉縣去仙令意悠哉烏向雲間下琴於江上開潮  
回宋帝國山圻越王臺枳棘淹文羽君非百里才

佳麗古越州高峯湖水頭去為百里宰兼得六橋遊陶  
柳縈芳甸潘花匝綺洲期君東道主吾欲柁南舟

懷曾給事李郎中二子同時得罪被逮

感事已難堪懷賢更可歎憂來自不寐熱至亦忘寒欲  
棄班生筆深慚梅福冠同心忠信者一旦涉波瀾

偶懷

愁緒亂無端人情急似湍孤根元有植枉道亦何難獨  
酌不成醉強歌聊自寬世無知心者應謂予不諼

濟上懷曾李二子

辛卯之秋予與二子同有典文之命聯舟濟

上投分託契自謂百年不圖事變自與予承  
嚴竄二子亦同日下獄感今懷昔情如之何  
往歲榮持節濟水照斷金事乖成泛梗景是觸沾襟梁  
獄書難達湘流賦易沉銜恩將得罪均是表同心

舟經下邳

風波已習慣忽爾自淒其壯志逢茲地古人難可期  
橋邊黃石在日後素心知俯仰無窮意如何不令悲

壽蔡霞山先生



早向天台隱尋仙度石梁瀑泉晞墨髮巖窟得丹方養  
性芝苓古問年松樹蒼赤城霞色滿長為薦瑤觴

淮口

停舟淮口望千里暮雲收白浪浮山出黃河入海流淵  
中蛟比室島上玉為樓未即乘桴去難稱是好遊

寶應湖夜泛

四顧但蒼蒼天低湖水長烟分微有樹火滅遠聞榔興  
雲連海岫望斗指吳鄉今日乘槎客猶如到漢傍

廣陵二首

隋室多巡幸，驕奢覽壯圖。  
開天崇綺構，截海定雄都。  
綠水流域朱樓夾，路衢繁華何處所。  
墟社只平蕪。

前王聞失國，游客欲陳風。  
樓觀飛雲裏，旌旗耀海中。  
一時歌舞散千載，市朝空獨有青天月。  
曾經照舊宮。

聞笛

何人吹玉笛，偏遺怨聲來。  
楚地已衰柳，吳山盡落梅。  
不堪曾慄慄，况值獨徘徊。  
胡必羌城下，能令壯士哀。

詠署中墻下葵花

茲葵敷正色  
韡韡比兼金  
細葉盈方寸  
脩莖聳直尋  
成陰徒衛足  
背日枉傾心  
猶有孤根在  
蓬蒿何太侵

仲冬朔日江行

心想定何依  
搖搖共席飛  
壯圖驚節變  
直道與時違  
跡比虞翻是  
才方賈誼非  
精誠嗟靡託  
捐珮侍江妃

贈人號冒浦

家臨冒浦上  
垂老學為漁  
鷗鷺親長往  
菰蒲伴隱居  
持

竿求竹直選石愛潭虛不曉任公意應言在得魚

送人成均卒業還郴州

慕道不辭遠為儒能固窮言觀中國學師事大江公  
逆旅蓬生鬢歸程草暗空明時莫徒老干祿在書中

挽王尚書夫人歸葬

輶車出國門歸葬廣陵原逝水年光盡重泉白日昏  
鏡留將擬貌琴在與招魂不解尚書恨將朝無贈言

過梁宅之為郎日故居

草暗蟲聲滿閒庭菊自芳人同川上去書向壁中藏  
隅經置筆墻隙舊偷光相憶成今古如何不永傷

春日永寧寺山亭顧中丞招遊

烟曉雨初晞亭臯春日輝相從窮宴賞一倍惜芳菲  
草纔勝藉新條恰掛衣謝公方愛客日暮不言歸

病後偶爾出郭

忽看柳葉長何言已春深因思閉戶久却悔逃人心  
草色遙迷徑杏花稍變林欲酬過去賞一日一來尋

天界寺後山獨遊

綠葉暗花枝鶯鳴新柳時  
偶隨芳草興遂與白雲期  
探徑非人到穿林有鳥窺  
行逢桃樹下路口使心疑

告中送顧膳部赴臬山東

幽居當歲晏無那送君行  
留滯嗟身世蹉跎念友生  
似茲往來際轉見別離情  
拙筆歸耕晚高才早勒名

齋居柬劉比部叔正

落月曙窻虛幽人好靜居  
官無公務擾意與世情疎  
出

戶霜塗屋垂幃草上除同聲雖可悅異舍欲何如

訪陳石亭遂初齋中賦贈

先生大隱者在世自如遺樂道尚玄白持心不磷緇間  
門無客候幽幌對花垂好我忘年少但言相見遲

秋日登鷄鳴寺閣寄友人

峻閣暮躋攀涼風振客顏青天湖外盡平野雨中閒鳥  
度孤雲去人隨落葉還如何屬延佇伐木響空山

題顧中丞載酒亭

寂寞千年後今逢尚白人官非十載滯宅是一區貧酒癖著書富奇多問客頻空令好立者懷德不能鄰

詠虛谷別業

高士尚玄虛因從山腹居石泉留洗藥帶草備藏書合道遊空寂修心返太初翻嫌鄭氏谷烏用世名愚

寄顧瓊州副使

不見經時久相思越徼深簿書勞吏道猿鳥亂人心地瘴應親酒官高祇好嗔亦知浮海樂難忘客愁侵



贈唐太史養疾寺居五首

誰道金門貴來叅寶地禪院香燃綠桂池色汎青蓮毒  
龍降沼底善虎戲牀前更有天花落飛來遶法筵

期君物外蹤解拈麈尾相從簷際飛輕靄城隅見遠峯行  
唵循軟草趺坐蔭長松已是如愚者何須谷口逢

託身翔鳳陞別業寄龍宮遐心存市裏幽跡似丘中掛  
塵小山桂披襟大地風安知館中史不是河上公

如何天上貴別有世中情舍已皈慈法齋心託化城雲

衣披籜粉風色泛松聲紛紛車馬路誰識有南榮  
齋中遂偃仰卧疾即林阿鳥來窺散帙龍起聽商歌僧  
為翻經難人非問病過此時方戰勝玉體合如何

題司封榮養卷

才子為郎地高堂慶有餘侍食退食後問寢倒衣初露  
為推恩渥日因至愛舒板輿官舍裏天性樂何如

周隱君榮壽卷

明時胡在野懷寶欲迷邦麋鹿居為伍雲松對與雙吉

星輝上象湛露接西江晚節逢恩幸身過壠上龐

王氏榮壽卷

老向明時隱梁鴻與孟光賃傭身不似舉案德相方彩  
詰雙綸寵華堂四髮蒼斑衣稱上壽歲歲紫霞觴

哭吳懋獻進士久不克葬

寂寞百年身桐棺三寸貧歸程魂作旅寄處燐為隣行  
哭悲妻子冥心托友人薤歌嗟路絕欲唱又無因

訪空同先生故宅

久欲求遺草今來訪故廬北窻存卧席東壁有藏書墨  
沼春苔長琴臺夜月虛年年桂花發人擬子雲居

題石氏世恩堂

漢朝宗孝謹明代故家存業有遺風舊恩從得姓蕃裳  
衣陳寢室喬木蔭高門孫子何多美家傳詩禮言

訪顧東橋聶村山庄

先生躬學稼雞犬數家村種樹因山性穿池得水源  
籬晴雨長麥隴午風翻四體不勤者茲聞農圃言

天寧寺

杖策青山半遙遙聞梵鐘古松經幾臘虛殿掩千峯佛  
現瞻龍象僧行印虎踪回心思止託歸路到來傭

場中翫月同顧東橋陳石亭二公

野興夜邀懽閒場十畝寬微風來席上明月出雲端幽  
姿澹水木遠景含峯巒滿天同一色無似此中看

禮部祈雪致齋予以在告弗預東同曹諸君二

首

群賢深秉禮禋祓為祈年陪德尚書後脩心太古前玄  
思通混漠高韻比神仙齋祭迎祥處靈壇意肅然

曾是天心遠如何冬令乖治神修禱祀格帝戒明齋華  
省寒陰靜層城夕氣佳誰知陋巷裏玄默與君皆

冬至大祀齋居

霜清天漢沉月白古松陰虛獨看燈靜齋明愛夜深勞  
生因息妄倦客暫安心屢從郊雍駕飄淪底似今

將至豫章道中作

風波晨暮淹復畏簡書嚴坎水嗟行險離方苦觸炎為  
儒心未效從政事難兼苟且徇微祿聊因免負擔

立秋日發南浦舟中作

火伏金當令流光不肯居天高爽氣外葉下涼風初山  
靚忻明秀江行愛廣虛聊因文牘暇稍復省篇書

哭薛西原二首

今年歲在辰毫上客星淪為蝶真今夢猶龍定宿身圖  
書空滿篋几閣已侵塵憤極憑天問何心生此人

造物意何如伊人果去諸寡妻司几奠門客檢圖書隣  
杆悲無相朋總恨忍除百身知不贖空爾淚盈裾

訪西原城南別業感泣二首

堯時巢父隱遺跡華門幽泉石居成古烟花却帶秋魚  
來鳴瑟罷鳥去講筵留桑扈還真樂楊朱枉淚流

數畝城南業依然二月春蟻蜂猶戀主花木總愁人洗  
藥流泉甃緒經供席陳西齋風自啓如意委牀塵

訪蔡廣德道卿未至州數里阻雨留宿田家



草舍託荒陂。暝投不自知。離心分雨夕。同氣阻風期。燭影坐中暗。江城望處疑。如何咫尺地。猶自勞相思。

田家書事投贈蔡廣德道卿

行逢野父言情真。語率然。含生同草木。盡力向園田。禾黍冬棲畝。牛羊夜被阡。言終還百拜。賴有長官賢。

桐川客舍

風雨慘燈光。無言坐北堂。主人及中夜。問我自何方。名姓慚難告。衷懷暗獨藏。殷勤鷄黍惠。欲去不能忘。

同蔡可泉出游山行紀興二首

招攜樂友生，惠我在山行。  
緣崖歷窈窕，傍磴鑒深清。  
白雲輕首夏，黃鳥悅初晴。  
超忽會心處，中林草木榮。

日出野烟輕，流泉處處聲。  
山苗經雨長，澤雉感時鳴。  
密篠傍潭靜，疎花夾岸明。  
正宜吾與爾，攜手此間行。

登橫山頂上覽州城同蔡道卿

歸翼帶殘霞，山城晚氣佳。  
鳴鷄聞四境，翔雉遶千家。  
碧樹州門靜，黃塵市裏譁。  
愁心因縱目，共有異鄉嗟。

山行於嵒谷間見人家

山深交獸蹄往往見巢棲  
籬落藏茅屋泉源灌稻畦  
蕘不出戶桃李自成蹊  
欲訪居人宿翻虞反路迷

石溪寺

蒙密見山窮林迴忽路通  
燈懸千樹裏磬發片雲中  
猿嘯來叅定月明出照空  
即將溪號虎與爾學雷宗

竹山寺

微鐘度青靄寺隱見遙岑  
香路入花嶼禪房開竹林  
泉

流苔上冷山色樹中深吏道非玄理來茲生悔心

宿茅山道院東樓

飛構出空虛洪喬應比廬松風入夜肅涼露滿天疎酌  
酒和元氣焚香閱道書求仙雖未就性亦好樓居

桐川境上與蔡道卿別

攬袂默相看愁雲慘別顏懼遊同逝水轍迹向空山分  
手徒留佩傷心未賜環風波慎自保當路少扳援

同顧雍里訪劉函山郊行二首

東郊芳草色一徑引征輿非為巡農務咸言訪隱居  
泉清新雨後山媚早烟初此意誰相會惟應君與予

攜手有佳意逍遙恣遠尋循疆田事美出郭野情深  
日淺平郊色雲多叢薄陰前驅農不變為識上官心

劉函山穫田庄居久不至城詩以問之二首

聞君去不還種田因住山既為百口計兼得一身閒  
禾穗登場上泉流激圃間誰知城郭裏幽興亦相關

錄鳴秋穫急禾黍積如墉富向隣翁說穰因嘉歲逢行

園朝見汲歸舍午聞春予將還壠畝先此問為農

送周石崖給事治魯藩獄事還朝二首

漢使持明法周親感聖衷  
飲冰心對日偃草德從風  
折獄片言下回天敷奏中不須焚文字梁牘一為空

時輩讓才雄高誼古人中  
陳詩傷魯道覽俗見齊風  
登岱諸山小採洙衆水通  
歸朝思獻納應有發宸聰

劉函山田庄宴集同顧雍里三首

言駕出尋君暫因屏世氛  
不忘鷄黍約解與麋鹿群  
比

舍垂青柳前山起白雲相看同此趣無以仕農分

白日永留懽田園勝事偏盤食兼野蔌厨火雜村烟逸  
興看中聖高談接上賢相忘賓主意留滯不言旋

向晚西郊密脩然野外秋土膏含雨潤山氣帶烟流故  
道牛羊反前林鳥雀投猶言明月好其奈促鳴騶

晚行趙家園

川廣片帆懸輕霞欲暮天蓼花明遠岸蘆葉隱低田風  
起青蘋上雲歸白鳥前元多山水意對此自悠然

舟中夜坐

蘭舟凌浩渺水色暗連天  
宴坐深明燭遙情寄簡編  
寔間知爽入膏續悟更延  
感候傷羈思勞歌中自宣

彭蠡湖

蒼蒼彭蠡綠大水屬時秋  
遠勢長天接搖波元氣浮  
數州居下浸千嶼出中流  
桂棹蘭為楫吾將恣遠遊

宿湖中

蒼茫烟景晦舟楫自如家  
宿處隨鷗鳥秋初惜月華  
遙



心連浦鴈歸夢滯江花為客誰知者疎燈水一涯

饒州公署

蕭條人吏散孤坐發深思草色新涼重蟬聲落日悲言  
忘觀物處心靜閉門時道在無形累求閒翻自嗤

署中讀書

雨散空堂靜褰簾微月初古人聊取對塵事自相疎曲  
几螢光映殘編蠹跡餘不緣嫌簿領飾律用經書

南康公署

城荒民俗簡理事日恒餘寂寂公門靜蒼蒼高樹疎庭  
陰深晝晚山氣淡秋初跡有浮名累心空自宴如

南康公署十五夜月

迢迢三五夜江郡影星河積水生涼氣空齋興晤歌心  
微千念寂室淺一燈多不酌盈樽酒其如月出何

十六夜月

今夕月如何山風江水波升輪依嶽頂流鑑度簷阿光  
射棲鳥起寒牽鳴鴈過紛紛羈客感來委此宵多

檢荒行田野中

秋巡躬適野不給愧民康嘗饁知非旨觀場愁大荒行  
間除茂草息處就陰棠老稚無驚避吾來省爾方

靈溪觀

自憐何所為無事亦昏昏混俗因知性過時始養蒙石  
池涵谷水山徑滿松風欲悟觀心理桃花幾樹紅

白鹿洞見張東沙壁上留題

登高能賦者到處有新詩草木留光寵雲峯發詠思護

持山鬼力指說野僧知大賢難繼作吟玩但嗟咨

遊白鹿洞歸道中作

巖壑變陰晴歸途風物清斜陽銜絕壁微雨過高城草  
動含秋意蟲鳴急暮聲明朝勞簿領應自想茲行

開先寺龍池

千盤轉石林碧磴帶雲深空谷迷人足澄潭湛我心分  
流常活活積氣自陰陰一濯清涼水都忘名跡侵

酌開先寺泉

源出迷窮處何年流至今分來青竹細汲去白雲深香  
共雲花散涼疑覺露侵已知無內熱且復一瓢斟

東橋顧公巡撫湖南行部至衡州縱遊南岳某  
聞而慕之二首

中丞行問俗南岳待題文草木巡遊發江山覽顧分奠  
椒祠赤帝指竹帛湘君霜氣凌朱火千峯紫翠紛

好遊晚益耽身到楚天南勝跡摩崖刻奇文覽記探高  
僧留與偈野客偶成談更有名書寫藏山副石函

東橋公既登衡山集所制作成帙名曰登衡小  
記遠辱寄示時予適行部南康受而讀之有  
張孟陽之思

登高能作賦大雅感予襟氣敵衡山峻思涵楚水深覽  
圖乖往跡諷詠發馳心猶因廬阜對稍緩四愁吟

曉發建昌

侵曉戒征衣嚴城未啓扉鳴騶遙即路徒御靜相依歷  
歷星初散塗塗霧稍稀身隨車轍轉心事悵多違

宿武陽驛同陸毅齋憲使

天秋風雨急山驛易黃昏  
疲馬依殘櫪衰楊蔽舊門  
沾塗憐潔服舉火愧空飡  
稍緩孤生感幸蒙終夕言

德興縣晚發黃栢渡遲陸憲使

旌騎參差發思君不得俱  
應同殘月影只隔碧山呼  
雜樹臨溪口停車向路隅  
舟人催早涉不識我心須

德興縣八月十五夜月簡陸毅齋使君

夜久雨聲歇微簷影過攬  
衣聊出戶飛鏡掛明河庭

隘留光少林疎見影多非因清晤闕何以發予歌

遊梅巖洞有仙人井竈田爐丹室之類

松老白雲遮仙人亦有家鷄飛殘砥鼎玉化遍成沙石  
上烟霞古爐中日月賒暫來還出去蒙笑洞前花

宿武陽民家

一室疎燈夕百思擾客懷草蟲鳴暗壁槐雨滴陰堦狗  
祿令謀拙躬耕始願乖病身應自計歸去守荆柴

滕王閣



前王歡賞地棟宇已成空惟有西山色還將舊日同  
夷猶臨短檻感歎對長風世事回回裏江流自向東

滕王閣再作

偶為逢迎出聊因一振衣鳬鷗閑泛泛島嶼遠微微  
芳草前人路寒潭落日暉西山舊時雨還向捲簾飛

薛家樓

高樓頻徙倚白日滿山寒霜落章江淺雲收楚地寬  
鴈聲深坐思草色起憂端擾擾城闌內還從靜處看

由撫州之建昌道中宿山寺

客行亦已倦怠足擇山深月色空香徑清宵宿道林蒼  
松多古意流水有餘音釋子一相偶聊忘生滅心

再出武陽宿前民家

秋原衰草遍投館日黃昏駕馬知徑道空山向舊門農  
人依鳥隼吏卒偶鷄豚坐席無爭者猶慚道未尊

丹霞觀

閑行隨鶴引不覺入雲深幽壑絕來跡桃花開滿林山

香知藥草谷響識靈禽欲問採芝老人間不可尋

信州皇華亭

誰識悠悠意寒流對寂寥間禽遵水曲過棹入風謠細  
雨青山映繁霜赤岸凋門前來往路坐使歲時銷

信州登城樓

樓高身出地稍見山川遙飛鳥青天廣平蕪白露凋孤  
雲歸滿岫千畝長秋苗周覽乘時暇忻茲土俗饒

訪黃九潭太史留贈

問君胡在野遺世自經營一廛依水築百畝決泉畊移  
竹供魚釣栽梧待鳳鳴深源終不起其奈此蒼生

芝山亭

亭子倚岩崑幽意坐終朝遠水孤帆滯長天一鳥遙叢  
紅霜樹葉片白楚江潮浩蕩煙波去徒思蘭桂橈

寄胡始興

折腰不能去悲汝愧陶潛古意時人背高才下位淹賢  
微數口饑客久二毛添但遣孤根在還因雨露沾

過寧庶人故陽春宮

邪陌轉城闌重門曲水濱人談亡國地花發舊宮春  
珮冷空梁月歌銷積棟塵堪悲當日事議讞帝家親

滕王閣獨坐

吏跡苦拘急幽期與賞違江頭時獨往閣上每忘歸  
綠水流垂幔白雲落振衣袂緣機未息猶使鳥驚飛

南昌有湖水流城中會府屬當其左每晨趨府  
行於湖上執事倉卒無遊觀之致

不遠人家路湖平水且清涵虛浮萬井倒影浸層城垂  
柳堤邊映輕鷗波上明可憐趨府去日日傍湖行

哭陳石亭

樂道方遊世胡為遽不留重泉獨往路天上正成樓載  
酒將何問遺書不可求堪悲江左地一旦絕風流

豐城縣感張雷得劍之事作

昔人求寶劍絕識理無違此地聞言是今來滿目非空  
餘埋後土不見斗間輝神物終難測知從何處飛

送劉西坡後再至滕王閣賦此奉寄

蒼山西面色高閣遠含風舊賞人何在今來事不同帆  
飛江路水鴈叫楚天空徒把盈樽酒因書寄浙東

賦得豐城劍贈李古冲之滇南

豐城埋匹劍水土養金精九地深藏鏐千年始發鏘在  
天生斗氣出匣作龍鳴志士腰間佩偏令萬里輕

遊紫雲菴至上中化成寺山中獨行遲同遊薛

陳二子

閑行隨去跡獨往昧前期流水時相引空山只自知香  
煙松際裊暗雪竹間滋兀坐探林晚中心有所思

發東林寺登廬山絕頂還過寺中留止

年來知靜理在世比虛舟偶此同生滅因之任去留色  
空廬阜起禪定虎溪流已矣東林社長廊榭葉秋

德安公署雨中書

荒齋掩夕景倦跡苦淹留細雨同寒意空山向暮愁逢  
迎還自懶鞭撻底增憂抱此微軀病何能為世謀



蔣雙橋方伯行部德安予適以事至而公已發

南康走筆奉柬

離抱易為感復此芳春時雜英委閒地好鳥弄高枝坐  
惜歡言阻空令淑景移方聞整駕去惆悵予來遲

德安雨晴書懷

日出照空林堦前流水音訟庭鳴鳥悅書几落花深遙  
憶故園草萋萋何處尋堪悲貪寸祿虛擲此光陰

書懷答彭石屋

已悔為人學還因世網留行雲時出岫逝水偶成流事  
簡知無術交疎悟寡儔方將齊外物竊比我蒙周

德安道中書事

百室山中邑觀風見俗淳土膏時雨發田事暮春新烏  
雀鳴爭食鷄豚性近人前驅行且緩方此問農民

由德安去廬山只一舍而予以事趨省不果再

往

憶在南康郡一拜匡廬君濯纓瀑泉水長笑石耳聞正

擬佳遊再其如塵事紛去茲知不遠空返欲何云

聞蟬

陰氣南方早聞蟬三月中聲微猶隱樹咽短不從風亭  
館人初散園林花頓空羈遊濶行樂亦自惜春終

雨晴西齋期薛廣文仲常

雨餘春閣冷初日麗高臺薄宦勞趨走佳賓濶往來苔  
生將被徑花隕欲成堆此際心如結非君誰為開

觀陳兵憲射

夫君文且武置酒更張侯弓彎孤月滿箭去一星流廣  
野三軍觀空天百鳥愁眼看中自激青管更堪投

詠雨中庭樹

庭前嘉樹色獨向雨中榮脉脉全根本欣欣見性情烟  
深因洗翠風至自成聲方惜一暴少難為萌蘖生

行園

時雨資生養行園覽衆芳鳴鳩盈畝綠翻蝶遶籬香抱  
甕將根沃植援助蔓長不窺今已久豈為下帷妨

登江州城從中丞王公

雨餘草木新節鉞寵行巡飛雉隨驄轉啼鶯喚隼頻軍  
容觀楚卒國姓記江人清霜飄大路萬里靜纖塵

豐城縣長至日

歲晏勤王事鄉心擾客居閉關當此令行路欲馬如江  
淨霜飛後城開日出初署齋頻眺望雲物正堪書

至日慮囚憲府呈方荀庄潘壺南二臬使

立戟府門清持書人吏盈平持三尺反助取一陽生布

令逢周正援經覽呂刑恠來霜氣重驄馬在江城

九江夜雨示薛廣文

稍稍空堂暮羈心自不聊疎燈生寂寞寒雨對蕭條木  
落歲將晏鴻鳴江正遙清揚居室遠誰與永今宵

建昌日暮舉火于豐安堠亭與邑博陳嘉賓談

斜日堠亭陰茲言在野深臨食因忘肉獨酌更知心道  
與中人語身宜下位沉昔賢傷不遇非獨子如今

陳子文行

並脩而為有司所失  
久伏儒官故歎其屈

陳州道中同胡叅知作

宛轉陳郊路  
株林碧樹盈  
中天炎日盛  
向夕雨雲生  
共酌清泉飲  
相從大道行  
才微慙負乘  
將子載同征

項城道中與叅知並馬

芳郊聯騎出  
錦轡結同心  
屢截清溪渡  
時穿綠樹林  
覽觀乘時暇  
笑語避人深  
職事多離濶  
貪茲共寸陰

予以事由陳趨項  
周梅崖參知方自項還  
皆以夜行造次相逢頃刻而去

多事窮奔走幽襟待細論如何逢路側還向夜中分色  
笑匆匆接清言悄悄聞勞生元易感况復覩離羣

五月五日浴起作

芳蘭浮小鼎燃用桂為薪初暖聞盈室微和接澡身形  
骸元土木時節且槃巾雖然新浴後未振故衣塵

壽方隱君方本新安世族今為臨清人

豪宕去鄉井高門衛水頭太和莊叟馬生事計然舟齒  
髮占難老琴觴愜好遊陶然天地內得性閱春秋





遵嚴集卷三

欽定四庫全書

遵巖集卷四

明 王慎中 撰

五言律詩

送陳學顏辭親應舉

却歛黃香扇行穿季子裘書將隨計吏富且謁諸侯舍  
館鳴鷄夢闕山叫狔愁明珠光照乘莫向暗中求

送謝生詵辭親應舉

閩楚千餘里歸程草色通鄉人推射策嚴父教移忠問  
絹親闈裡題詩客路中漢庭方愛少去作一終童

送陳邑博子秀才辭親還家成婚

成器專攻玉傳經勝遺金日辭鱸館愛春動雀屏心執  
鴈將脩鰲求凰或弄琴遙知扇枕戀情不滯駕衾

春雨東徐山人客居

春風忽已滿客子亦何心雨長新菊價泥荒車馬音聞  
堦侵草遍濕突起烟沉更有關情樹窻前滴夜深

丘少泉卧病山中作詩見貽用韻奉答兼以候  
之

憐君卧病久枕上過芳春山色翻欺瘦鶯聲總喚嗔鵬  
占休臆對蛇壁易迷真學取無生理心中滅盡塵

送李一泉往惠州推官

懷牒持三尺分麾佐百城溪山輕瘴癘風氣就開明石  
埭由來美豐湖自昔清龍川經過處一弔尉佗營

挽故石埭尹尤先生

彭澤居官放黜婁謝仕貧松筠方傲晚草露忽輕晨喬  
鳥長飛去潘花永不春祇餘琴調在空閑匣中塵

東程郡侯卧病二首

求瘼何其急起居翻失常言多詢利病心苦犯溫涼署  
牘將方檢尋醫與吏妨元元資卧理此地即淮陽  
交戰知曾勝胡為薊疾嬰違心牽赤紱勞已救蒼生舍  
晚榕陰暗樓昏蜃氣明抱痾因閉閣一使訟風清

送黃南池

歡遊不覺久相送忽成悲嶺外少來往年  
中畏別離更無叅玄理誰復賞新詩千里  
看明月應懸兩地思

送李拙脩歸鄱陽二首

拂衣從此去歸興一為談藥譜新將著  
農書舊所諳酬言持手塵晞髮廢頭簪  
相訪欲知處應之柳市南道氣如君盛  
心期與我談妻孥能共隱鷄犬亦相諧  
木榻坐花塢皮冠削竹簪蠡湖烟水滿  
更向蠡湖南

唐婁江明府邀遊九日山同黃竹溪東石二公

四首

夫君善為政自鮮簿書情張幕人皆覩傳杯吏亦清花  
衝壺矢落雲逐鳥絢生造次成遊賞應留此地名

最有登臨賞兼之賢達俱落英粧藉草鳴鳥勸提壺古  
寺藏林表輕霞映海隅青春垂欲暮莫遣興情孤

簪為襟期盍樽同名勝攜蕙烟陰白石花水漲清溪佳  
卉當春發嬌鶯近酒啼如何更辭飲斜景竹林西

處室何其迫坐為城郭拘稍看山色遍頓使俗情無此



地寧須買今茅即可誅且將狎鷗意暫爾伴飛鳬

遊五老峰四首

積有耽奇癖登山好問源不辭千嶂迴獨訪一峰尊飄  
袖連飛鳥攀蘿學掛猿纍纍岡阜起坐閱盡兒孫  
悠然獨抱此含意在乾坤陟險消多病尋真契寡言桂  
叢冬亦茂石室千方瞰倚杖神凝處泉聲樹裏喧

茲山尤物衆一一愜遊盤芝可充饑茹蒲堪結坐團題  
詩生葉大濯足有泉寒由來吾所愛欲道與人難

歎息煩囂久幸然未白頭靈藥非難得名僊或可求金  
光叢裏映玉乳石中流回首顧妻子真堪敝屣儔

別業雜詩四首

小築無餘地大觀別有天窻中含遠岫屋上響流泉高  
咏時題葉閒情偶弄絃興來何不可寧復惹牽纏

山人向客歡此地日如年不悟幽閒永翻疑晷刻偏蕭  
條機事淺澹泊谷神全始信樵山頂爛柯非妄傳

旭日照春山山春物色妍鳥聲多在竹花氣欲成烟薜

長新脩路池深舊引泉佳時將靜處人意自悠然  
孰知遺世念不在去人家徑任青苔占堦從碧草賒朝  
朝娛覽詠物物稱幽遐莫恠迷秦姓春來桃已華

訪友人山房留題

恠爾沉冥甚時常出入稀以茲廬可愛肯使願空違  
隱几烏啼急披襟風到微營營予亦厭將此共局扉

病中漫述二首

一生十九病坐使廢居諸日日求醫術朝朝理藥書家

人憂即死朋友恠何疎世情真已矣吾道竟焉如

頗得病中趣未嘗苦不堪床頭看卷熟被上作書耽交  
息寧須請禪忘忽已叅何日稍能起門生擬昇藍

病中東可泉與可泉別久極思一見而病不能

往情見乎詞

末由披宿霧空此挹高風病意翻增劇交盟始信窮世  
情經歷後心事寂寥中知爾欲相見而今只一翁

可泉相訪病不能見

爾來歡晤少伏枕過馳駒有客方銜使多情顧病夫柴  
闕非固閉藜杖自難扶坐席何曾割終然出處殊

友人下第還家

西上又空返悲歌易水曛有司輕失士無路達明君莫  
嘆家如磬還看鬢似雲南山當日霧猶可養奇文

病中李君度見訪家僮絕不為通走筆柬之

閉關非為疾性本好沉冥論學刊中說修形正內經訣  
從靜者悟語忌俗人聽已戒應門畢君方來叩局

章三洲以侍御謫推興化府叙復揚州郡丞二

首

維揚風物好不比漢長沙  
半刺官雖冗量移渥已遐  
娥眉空賈妬白璧本無瑕  
好取原冠拂朝中待觸邪

叙遷猶佐郡恠爾意能安  
祇有簿書急誰當禮數寬  
高才宜見屈枉道亦何難  
雨露清時澤無為薄一官

送宋仲石赴召二首

洛陽橋外路萬里指長安  
烏向天中去琴留海上彈  
龜

文頻撫劍羊角欲生冠相送情無已寧因感遺肝  
國興知有象君去莫傷違已設諫臣賞因徵良吏歸九  
閭非虎守五位見龍飛美錦令成製還堪補帝衣

遊清源山二首

取路非高足入山力復餘所長元有適於計未為疎高  
見羣生擾間看四體虛堪嗟二畝半促促邑中居  
城中長日望翹首起遊思如何咫尺地動以歲年期忽  
覩草花喜終遭猿鳥疑明歸應復望惆悵使顏衰

清源山紫澤宮

畏景在城市聊茲息茂陰攀躋不覺遠依止自知深石  
上消氛氣鐘前起悟心宿非如可謝卜筮請從今

上洞宴集二首

千峰最高頂上客敞芳筵心豁雲初散形忘酒易傳滄  
溟侔洞達城郭俯紛闐一與豪賢飲脩然病已捐  
憑高張讌好嵐翠滿軒楹杯泛流霞氣絃含漱玉聲魂  
消遊目遠日入發談清情深寧在酒不醉自非情



清源山獨行諸峰示同遊諸子二首

洞壑杳氛氲中間紫翠分興來祇自得獨往有誰羣  
激射風前瀑孤高天際雲心賞悠然會何由與客論

人世多浮變高山自蒼然因茲脩杖屨暫得解徽纒  
白石無塵滓青松有歲年每逢偏逗歷佳處正難傳

遊清源山同洪芳洲二首

曰余懷素志將子有知音即茲山與水何必絃鳴琴  
捫薦亦同榦酌泉時共斟無言徒脉脉相偶意彌深

同病本相憐  
遊攜接勝緣  
短筇遍間執  
兩屐對分穿  
逢石呼俱坐  
探經覽共研  
不知形已黜  
目擊兩茫然

園廬間興

積雨端居暇  
脩然愛一園  
菊如陶徑茂  
瓜比邵畦繁  
暑退風歸樹  
秋深潦壞垣  
城中少閒客  
誰復到吾門

題黃墩書屋贈陳玩潮四首

疎林半畝分  
自築一經堂  
衣典充書購  
帷垂任圃荒  
諸生來卒業  
千里有持糧  
取適絃歌暇  
尤難忘歲芳

之子鶴鳴意行吟  
祇在陰四山  
低戶入一徑  
隱花深  
蟲響長  
依砌  
鶴飛知返林  
一聽希  
瑟調  
自見卜居心

微溪日自行  
蓬藿也難生  
不受故人薦  
欲成處士名  
環堦無惡草  
幽鳥有佳聲  
過爾輒難去  
貪茲養道情

習懶非吾性  
胡為常閉門  
本嫌塵世事  
獨好古人言  
窻暗螢來照  
庭風葉自翻  
壯年在明世  
慎莫苦辭喧

蔡東洛夜坐

共坐高齋夜  
蕭然息衆喧  
月中星盡隱  
竹下露偏繁  
久

厭時人語今逢長者言  
非因憐夙好何自顧柴門

和吳岱麓通守秋夕有感之作

高才嬰世網懷抱曠難儔  
少輟簿書暇還悲時序秋  
朱絃徒自撫綠竿有誰留  
操觚娛永夕心跡見悠悠

和胡雙華郡丞郡齋言懷見貽之作二首

為郡多詩興高人繼謝公  
民和官府簡花落訟庭空  
暮閣侵簷雨閒牀掩帙風  
此時鳴鶴意自與在陰同

何事專城貴偏多懷土心  
題詩常對吏寄興在抽簪  
長

物看青組幽期覽素琴愧持巴里曲欲緩越人吟

郡侯方西川與錢塘縉上人雨中郡齋夜談走

筆奉柬二首

政理日清淨郡居類化城雲峰簾外變雨氣署前生淅  
瀝琴書潤蕭條几簟清夜深懸溜急法辯自同傾

不為學無生心閒物自平高僧輕遠至好雨正時行雲  
起兼慈色水流帶覺聲始知符竹貴元有錫緇情

和吳通守夜月思鄉之作

海邦亦共月何事憶荆扉偶見如環景能堪碎壁輝  
羈心因自感高詠覺聲希莫自思鄉切還看承詔歸

聞縉上人遊清源山

高僧真避俗為客也耽山路向樵人得身同錫杖閒  
泉源當夏冽蘚色閱年斑遙憶孤燈影留光萬壑間

病中柬縉上人二首

夏日多榮木凋傷感我生拘拘徒自笑炯炯欲何營  
已覺芝苓誤無由羽翰成三尸如可僂願假伏魔兵

伏枕不知久庭柯綠已蒼以茲時序感頓覺圃農荒養性資琴瑟達生覽列莊今將未死骨齋沐付醫王

送唐婁江赴召二首

帝心嘉勞來戶口不虛增負宸方思治墨書遂見徵簡求青瑣入意氣皂囊勝莫倚鸞鳳志今當作鷲鷹

吏民看解印未去已堪思魚棄皆長尾花繁故映枝攀途車屢滯出邸橐空垂欲佐薰絃曲一琴行復隨

周石崖督學擢廣西叅知寄此送之二首

在楚卿才盛如公更絕倫  
雲夢胸自有岫嶸氣常親  
陶鑄看多士綏懷託遠人  
九疑遺跡古一為訪虞巡  
道術陳良是丘墳倚相親  
章縫探奧室文物起來塵  
變豹方成蔚靈蛇盡握珍  
還將今禮樂往靖桂疑人

元日訪青門月臺寺寓處坐談竟日

無事緣長病似君在客邊  
椒花休頌酒柏樹共談禪  
歲律風微覺人天語自玄  
香聞應有悟景旻未言旋

元夕東青門



星宿爛山城人家正競燈微霜資照燭皓月見侵凌遇  
節心猶勝追懽病不能問君今夕興還似少年曾

十六夜與青門談

四面歌鐘起華燈爍月光柳梅微辨曲桃李宵凝粧誰  
向家中坐爭看陌上狂獨餘吾與爾相對在僧房

青門卧病走筆奉東二首

一戶閉香林高人此定心夜深童子睡庭際草蟲吟蓮  
界除腥氣珠光照瑩襟他人徒問疾吾識爾陸沉

獨宿青蓮宇昏魔胡未降伏床迷界色稽首禮幡幢冥  
力瞻燈影殊香到藥缸冷然醒睡頃微月在前窻

青門將歸走筆奉留青門寓學上人精舍而與

郡侯友也故詩援上人與郡侯以畱行二首  
如何好遊者歸興起秋風言蹕初來籥欲隨東去鴻林  
居方得伴賓館遽愁空且伏狙猿性相從事遠公

縱有思尊興能忘伐木情垂簾常整暇下榻自高  
清茉莉花初放荔枝寔漸成少須知臭味歸詫里人評

雨中東青門

層城晦風雨，穹宇迷昏朝。  
陰翳方驕恣，市廛乍沈寥。  
九衢橫潦溢，千樹墮芳飄。  
勞想伊人阻，真如隔水遙。

送青門二首

惆悵溫陵酒，與君不再持。  
高情隨地勝，孤跡閉門思。  
落日人方遠，芳郊意自遲。  
從茲三徑社，吾亦懶吟詩。

林下非無客，新詞誰與吟。  
一朝風袂解，千里暮雲深。  
猿鳥娛征路，荒茅掩故林。  
殷勤題贈句，聊欲比兼金。

題徐氏溪亭四首

高亭虛出水，結構若天成。  
波蕩垂簾影，窻留過鴈聲。  
樹低看岸遠，風細覺湖平。  
自有芳洲杜，含滋日日生。

浯水日悠悠，虛亭壓水頭。  
棹歌喧極浦，峰翠漾中流。  
每夜偏多月，長天只似秋。  
更添幽事，併繫柳木蘭舟。

飛鳥點青天，驚魚跳錦川。  
簷欄相照暎，空水共澄鮮。  
草際分皋陸，烟中辨舸船。  
有亭佳如此，真覺主人賢。

善占風物勝，心巧更多奇。  
軒楹翻別製，溪壑發幽姿。  
眺

迴開窻小臨清累石危城中池館盛坐使廢招隨

題張封君南圃池亭四首

卜築初掄地謀權不計錢嵌巖驅到石漲沼引來泉  
花氣長薰酒禽聲每度絃溫陵風日好更向此中偏  
別業借恩光臺池草木香玳梁棲燕子錦石戲鴛鴦  
荷密魚難聚花繁鳥易藏如何堪比勝金谷在河陽  
人衆開徑遠平地覆山危薜荔緣青壁芙蓉冒綠池  
嵐烟縈几席波影蕩簾帷更有封君樂千頭橘樹知

愛茲城郭內丘壑趣留人曲徑泉流遍孤峰雨洗新藂  
篁寧受暑衆卉自知春好客常開宴高軒來往頻

送滕生還吳滕乃葉郡推之客

不辭為客久所戀主人賢郡閣同蔬食歸囊倒俸錢嶺  
猿催去馬江月照鳴舷自說慙干謁家原有薄田

挽楊翁

已傳不死訣竟返無何鄉邦人來赴哭隱者去云亡乍  
見堂帷設應無隣杆相煉精成鶴化千歲一歸翔

挽黃母

三十未亡人能甘集蓼辛歸蓬地下面不媿嫁時身閣  
閉窺帷月梁餘點鏡塵栖倦諸子廢口澤自如新

挽貞惠王母許氏

罔極嗟令婦斯人獨可欽茹荼明苦節對月比貞心養  
有潛移水生無强委禽堪悲川逝底別劍復相尋

挽陳子貞秀才二首

子淵稱短命汝復弗如回庭對曾聞禮公車未召才芳

蘭翻自藝玉樹易先摧堪悲垂白父老有鄧攸哀

皇天聞與善之子命何艱種苗徒見秀覆篲不成山賦  
鵬棲門外書螢戀案間遙知為蝶樂夢去竟忘還

哭蔡從祖秀才

早歲承家學新文冠士流河東未獻賦地下忽長遊慈  
父傷蘭樹佳人詠柏舟千金聞買駿縱死也應收

挽周蹟山周以諫杖死四首

萬事真長已孤生敢自私批鱗當逆處收肉在寒時複



衣仍赭服正寢託丹墀片玉今埋矣無因諫用尸

牽裾難動聽攀檻竟徂生信是百年速須知一死榮  
雨  
揮行路涕風慘挽夫聲莫作逝川嘆能留不泯名

玉碎姿猶潔蘭摧性亦芳歸根辭雨露埋質罷珪璋  
車  
飾看如柳山形見若堂只愁餘憤瀝燕地暑飛霜

降魄茲鄉返精魂何所依  
芻靈疑榜吏幽域訝園扉  
白日終無照青春更不歸  
天心垂涕泣寒雨載途飛

陸檢校歸櫬作此送之陸揚州人

只說宦遊好寧知客死哀衣重官長襪木美邑氓材山  
迴銘旌遶天長細雨來揚州生樂處今作鶴飛迴

挽侍御粘滌樓公

介節如絃直貞心比柏葱觸邪冠掛早諫獵草焚空几  
篋無長物田廬有素風至今漢庭上猶說避花驄

挽王僉事二首

防江千里險露冕百城開惠澤洪流遠狂瀾勁節迴世  
情方忌直天道亦妨才湖雨紛紛送荆人挽些哀

近日看流輩似君操行稀  
守官遭吏議久宦有兒饑  
處室無長物附身惟故衣  
生平違握手沒後涕偏揮

楊蓮渠先生移居

長貧易徙家蓬轉  
類生涯隣壁燈堪借  
市帘酒好賒捲簾  
攜舊月帶石走孤花  
與室知難入非闕  
隔絳紗

挽徐宜人

桃葉宜之子  
瓠犀詠碩人已無蕢  
實在空有裝衣新寶鑑  
誰臨匣羅巾自掩塵  
夫賢兼子肖入地也含  
嘖

送杜松江先生之岷州肅藩教授

不識岷州遠，千峰費馬蹄。  
濫觴江水小，分首隴山低。  
雪含盤古始，路盡坎方倪。  
王門裾曳樂，應忘在天西。

挽許三浦

辛苦三冬足，奄驚萬事非。  
途窮山子蹶，斗暗莫耶飛。  
返魄茲鄉降，游魂何處歸。  
心悲廣陵散，無復鼓瑤徽。

挽蔡司成夫人丁氏二首

桃葉宜家日，標梅育子時。  
問來貯雜佩，佐學喻機絲。  
扇

掩月臨匣衣藏風舉帷蘋繁今罷采空復澗濱滋  
偕老願嗟違茲辰遂並歸劒從泉底合燈向地中輝山  
雨沾容翬江霞變闕衣如雲車馬從其奈昔時非

送蔡東洛赴銓改官二首

寒氣驚嘶馬離人起戒晨清霜沾勁草修坂滅流塵為  
吏儒衣舊謝官行李貧長安留滯處當路欲何因  
不耽數斗米高意似淵明來往都乘化榮枯豈吝情雨  
中孤棹去膝上一琴橫舉世知音少希絃何用聲

送朱肖簡

分得寸銅印新從片玉科平生優禮樂此去定絃歌嶺  
驛出門遠江帆破浪過縣人流散處還集日將多

送比部史應之使還入京史以使事便道過家  
長子娶婦而太夫人褒封之典亦適至二首  
榮宦值明時光華併遂私勞王欣有暇醺子慶多儀使  
節驚隣里天書寵特慈一心知報主還闕自難遲

想見燕京路秋風隨馬歸朝端須奉復即位待光輝入

省名應盛趨班影乍稀鄙夫何所慕之子振音徽

送龍南岡之貴州兵備僉事二首

欲識宦遊壯須知王土遐鬼方曾伐國人跡比趨家梯  
路通首賣刀耕履藉畬朝駟開作盛今日未須誇  
繡斧乘朱輪要荒識使臣火雲千箐日花瘴四時春蠻  
語譯難曉夷心義可馴簡刑兼靜武坐使遠人淳

送王堦齋守贛州二首

兩水流成贛圖經記郡名分符君出守共理帝憂氓好

古今當用酬知在此行佩牛應賣盡駢向甫田耕  
露冕何其貴安車朱兩轡凋殘方待牧命數豈徒尊偃  
草知風尚烹魚悟政煩君心已如此相別更何言

寄贈陳侍御按嶺南二首

繡斧下青冥共瞻執法星照人懸藻鏡游刃發新劒令  
捷風行草威疑蟄震霆炎流千載地一旦洗氛腥  
百粵參殊俗六條握漢綱驄行真到海猿叫亦驚霜吏  
有捐黃綬人皆識皂囊仍聞攬轡暇搦管擅詞場



壽陳西軒令尹


百事不關身一心專養神  
看書多得意中酒是全真  
陰德覘眉采壽徵卜耳輪  
門前五楊柳長閱歲華新

聞家兄途中得疾二首

平日親庭側未曾曉出門  
如何遠遊興不記垂堂言  
藥物應難得醫方孰可論  
祇將愁與愧送目望賢昆  
遠道傳安否難知消息真  
思深翻惹惑望極轉傷神  
訪市將求卜行途屢問人  
莫言憂畏甚手足是天親

莆陽龔生名應龍號潛于

神龍神不測勿用為時屯沕穆形難偶深潛德可論知  
機猶户坯好遯是泥蟠問易將因爾又忘得象言



遵巖集卷四

欽定四庫全書

集部  
遵巖集卷五  
六

詳校官給事中臣王鍾健

中書臣劉源溥覆勘

總校官檢討臣何思鈞

校對官編修臣王坦修

謄錄監生臣沈侯

欽定四庫全書

尊嚴集卷五

明 王慎中 撰

五言排律

聖誕前期一日寓直客部同屠儀制郎中詩以

柬之

瑞氣滿南宮  
星河渺渺空  
千廬翊警衛  
萬國奉朝宗  
蹕路風先淨  
帷張月自通  
祥雲當極北  
曜宿及霄中  
謬籍

叨分直仙郎嘉自公何其頻視夜彼美切循躬秉燭晤  
言久焚香宴坐同岡陵徒欲祝巴里愧難工何人嗣周  
雅待爾振王風

屠郎中儀部署館新成賦題九韻

仙吏日攸寧華館肅虛清地是君王賜材兼將作營象  
維扶棟宇納景敞軒楹北斗掛簷迴西山對坐明迎秋  
朱火變當晝白雲生為沼滋魚藻疏畦長鹿茸唯寅皇  
振采多暇鳥求聲琴興商歌合詩將起草成何言堪野

獲蘭省待嘉名

伯氏曾漸溪先生奉使冊靖江王敬上四十四

韻

漢將標南紀周王暨外挺黃支開象郡赤社直牛纏  
灘水扶桑表鬱林滄海邊霜清八桂瘴嵐結九疑烟  
立壁攢青蓋飛峰削紫蓮伏波盤荔峽羅閣瞰梧川  
光色美如此珍奇產固然軌苞輸御府貢筐達郊鄺  
經野襟交廣肇封俯柳全授圭羅赭組分土昨炎天  
玉葉枝璀璨

銀潢派接連維城宗子令開國大君專帶礪河山固金  
湯磐石堅瞻依一萬里屏翰二千年惇族紆宸眷建侯  
展睿權文閭簇仗啟廣樂鼓鏞闐貝闕丹霞裊銅樓霽  
景鮮冠裳趨濟濟纓珞萃翬翬節捧星辰上制傳象緯  
前瑤函藏寶冊金櫃闕琳編翠琯祥雲抱紫泥御日懸  
皇華十道出司諫一身遷螭筆暫須輟龍顏夢尚牽蘭  
垌張祖晏桐柱奏離絃雪送燕關騎春催楚蠡船異花  
紛拂纜怪鳥噦迎旃廬霍行堪結巫衡覽更便槎搖弱

水影旌颺閬風顛列洞密猩語諸蠻解漢言罔巒眺邈  
邈原薄驟駢駢篁竹啼猿合石楠踦獮緣輜軒駢入境  
劍鳥忽登仙聖主威光近明王禮數虔遐荒憲命播藩  
域寵靈宣晝向日邊接昏從花下旋墀迎珠躡履裾曳  
璚平氈淮國讌游洽梁園詞藻傳觀風行問俗訪古重  
懷賢帝子蒼梧些湘妃澧浦篇堯山澆桂酒舜廟擷芳  
筌逢鶴還珠洞尋砂勾漏泉豈云奔命遠宜是勝遊偏  
謝客吟應遍仲宣賦可鐫茫茫五嶺外何日使星還



上外祖李竹坡先生致尚寶政二十四韻

國運開貞泰令王禮舊耆頌旌招野伏驚代擅雄姿邦  
俊推公望朝章屬令儀丘樊馳東帛海嶠動綸絲玉署  
初移寵金扉後命貽西垣瞻日殿內闕切雲司雨露青  
冥潤弁纓象緯疑祗言翔岳驚詎意曳塗龜道大經狗  
祿幾先果避時竟忘魏闕眷不廢考槃詞臨組惟三揖  
封章懇一辭皇心揆赤悃溫詔下彤墀計決羣賢早名  
高一代垂滄波薄赤紱黃髮狎青鷺棲谷情自得還山

跡信追直嗤少室出誰賦北山移薦戶琴書暇筠莊歲  
月遲江天疏遠目花鳥怯新詩傲世南陽獲尋仙綺里  
芝瑤蘭湘畹紉玉樹謝庭枝峻節元齊杜養真亦尋雌  
登龍漢士慕歌鳳楚狂悲尚想篇翰接終虛几杖隨因  
風敷此曲遙望碧雲涯

天津覽海

登高以望遠窮髮此天池滉漾迷三島鴻蒙辨四維浮  
波極地際蕩景眇雲涯日月懸孤嶼江河灌漏卮直將

天作畔聊取漢為湄恨鳥啣枝沒搏鵬跼翅垂乘桴傷  
孔志搞賦慕班詞衆水朝宗去何時一似之

舟中

行路難如此嗟子何滯違朝征沙鴈引晚泊渚鳧依席  
勢乘風駛棹謳擊汰飛濟深揚桂柂厲險戒衲衣冒沚  
葭侵露緣崖柳礙暉波文明夕照水色長寒威遠火看  
還滅孤烟迫已微勞歌徒自奏惆悵未言歸

發東昌道中寄酬寇太守

舟行聊騁望天宇曠微微河曲回隄勢川明泳日暉通  
波連井邑平壤畫封圻亭皋千里衍墟市百家稀玉堰  
龍蛇蟄金郊草木腓獵騎呼鷹去漁簑罷釣歸夷猶雖  
有適徙倚欲何依山鬼瞻岱近天遠望畿非稟訓亨重  
坎悼心未息機故人相念者為見斷蓬飛

始至留都戶部作

謫籍復收掄天心為洗冤榮枯元有分憂喜自何門器  
小乖通理才微誤再論未能思舊過轉使愧新恩秩最

堪安拙官貧足避喧不知都邑異但覺省闈尊質是硃  
慚玉班非鷺接鵷鴻棲猶得桷羊觸戒臨藩薪積宜先  
賤舌柔悟後存為看桃李下成徑亦無言

戶部攝篆作

握蘭叨入省愧此大夫紳周時官主地漢室署名民已  
是為郎久翻疑從事新掌邦三壤賦奏計四方人無術  
疏泉布何能學算緡迂疎下吏怪懶慢上官嗔治牘難  
稱敏趨期常苦頻非闕王事急祇是早閒身

戶部寓直作

涼月靜高松華扉掩幾重沈冥遺吏道恬曠絕人蹤宴  
坐時聞桂行吟暗度蛩漏聲風易斷山翠露偏濃襪被  
同令宿舍香異昔逢羈違雲卧性病損世交容擇木難  
如鳥潛泥不是龍千門分曙裡猶記聽朝鐘

題雙橋別業為倪考功大夫賦

石橋人不到雲水自為家峰勢低窻入溪流向峽斜田  
園三戶闢草木四時華拂席殘雲戀垂帷白日餘穴開

成鳳羽  
吮藝茁蘭芽  
振鷺天庭後  
鷗飛多少耶

送項膳部遷之出守臨川

翩翩五馬貴  
盡頌用賢宜  
辭省蘭俱遠  
之官鶴與隨  
行春時擁馭  
坐嘯晝垂帷  
山遠右軍宅  
天清內史池  
名將先輩掩  
政起後人思  
他日徵良吏  
看君第一碑

寄贈李邦良應聘修兩浙志

霸王開列國  
牛女直揚州  
興廢傷千古  
人文著九流  
才高宜可作  
衆體莫能讐  
赫矣雄圖地  
居然載筆遊  
贊詞

無下士館穀有諸侯跡訪虞巡始書從越絕修勞思應  
夙夜託志在春秋成將藏禹穴待取好書求

閒居

寂寞棲窮巷蕭條獨掩門機忘親散帙交息絕華軒隱  
几非遵孟閒居已勝潘幽蘭充士佩好鳥與人言有飯  
時餐菊無憂不為萱陸沉同蠖屈泥辱異龍蟠倦禽知  
反宿落葉豈歸根懶拙從吾好惟思守故園

閒居對雨作



閉門亦已靜零雨亦淒情映牖增寒色鳴除急暮聲亂  
雲時聚散淺溜漫縱橫濕突烟難起荒庭草欲生端居  
觀大化抱膝絕微營自顧貧非病堪嗟學代耕方慚聞  
道晚始悟視名輕終當謝人世偃息返柴荆

同陳石亭太僕訪顧東橋山庄因縱遊山寺承  
徐九峰道人見問遂以貽之

端居不自適訪隱出郊原一路通樵徑千山揜華門披  
雲開竹院斲石採苓根農事興南畝漁歌到北軒聞鐘

尋遠寺憇杖眺孤邨虎守林中卧猿叅講後言巖花難  
辨色谷水不知源因愧微官傲彌欽至道尊君將聞好  
事書此一同論

夏日田家

首夏新晴後田家事事宜耘耔知土性老少話天時野  
飯初登麥家資在種葵燎原延暮燒築圃待秋菑谷鳥  
臨耕勸蹲鴟往餉持相逢矜力作不識但蚩蚩

觀周明堂故基在泰山下

帝行先出震茲土表青陽對岳朝羣后膺符籙九房陰  
陽隨向背天地象圓方環水形裁壁疏窻色順鄉時巡  
春首幸景側晝偏長禮樂承三統華夷奉一王經年宏  
構泯易姓故基荒難覩周人制徒聞王者堂基崇占積  
厚隅廣卜圖昌禾黍榮為壠牛羊踐作場竚瞻停服馬  
不至感鳴鳳勿須傷已毀布政俟令皇

題賓野堂贈胡竹亭司寇

芳村帶近郭大老此安居闢戶延遙嶽為園激淺渠虛

亭修竹拂曲沼小萍舒閣度恩存詔門懸予告輿家中  
婚嫁畢世上是非疎日抱藥邊甕時巾花外車燃燈親  
把筆抽牘自藏書揮金宴閭里何似漢廷疏

題泮東書屋贈萬治齋中丞

巷陋因仁里隣芳接泮宮幽貞存士業恬素作民風自  
適藏修理寧謀結構工材完無善斲石密復加礮草木  
終朝靜圖書積歲充觀物唯戶內覩聖即牆東經幄芹  
香入墨池璧水通青衿時晤語章句滿專攻跡掃柴扉

闔心精牖漏空無為一室老柱石正須公

宿上清道院

稅駕遵山麓爰得老氏宮入門聞芬馥行徑悅青葱  
靈草色難辨幽禽聲不同泉流瑤砌上池照綺楹  
東菓藥榮冬日松筠舍夜風輕雲拂修棟皓月澄  
高空晏然諷道語心悟一窻中永願託茲土餘生  
於此終

芝山屠東崖招遊

平旦何所適我友惠嘉招因輟几中牘言揚塵外  
鑣解

紳掛庭柯躡躑窮山椒霜後千林肅氛收四野遙坐來  
生氣象對酒息紛囂鴻雁飛寥廓葭莢變蕭條目騁天  
地廣心清草木凋佳景貴良晤非君誰見要

皇帝察宗室子弟之賢孝者制為訓辭以美之  
且以為教也而崑崙公以孝受褒叅政某來  
使河南獲聞其事賦是紀之

有美稱公姓承華自本支生身忘寵祿愉色悅嚴慈樂  
備無聲聽居防履險危藥咄許子誤美笑穎人推飲食

溫良善晨昏起居宜橋踰淮水熟笋送雪林滋取器遵  
親滌縫衣學稚嬉秉彛齊一介受福冠諸姬褒詔天闈  
出修文史筆摘琅函周國耀綸綽大梁垂偃僂循牆走  
尊崇結閣貽來旬叨佐岳采誦慶宗儀

贈鄉飲酒衆賓張

張履石翁壽七十有五有司請為鄉飲酒禮  
上賓鄉人皆慶某為賦十二韻詠一時政俗  
之美以為翁賀

皇家文盛日海寓澤熙辰遵讓興東序迎陽及上春三  
衣參舊禮八簋備常珍象壁池形鑿鳴鼉鼓奏振若翁  
躋保艾末俗見含淳抱甕除機械為樗道斧斤全真同  
楚老忘力比堯民齒號邦人父賢充國子賓衣裳明主  
賜几杖列侯陳有祝寧憂鯁無讐可飫醇威儀終秩秩  
觀聽自欣欣在燕非毛髮能將義接人

送梁宅之葬

寒郊暮雨濕來送故人行死生奄異域歌笑不同情虛



位將筵列求神把酒傾縞衣非結綬白馬為悲鳴柳聚  
車容設蒿虞曲挽驚重泉無返路九地有佳城司馬書  
猶在中郎女未成休論身後事空有世間名此日金蘭  
斷何時玉樹榮莫邪長閼矣光氣罷千星

張淨峰兩廣功成復命提督湖蜀三省平蠻軍  
事賦贈二十韻

漢室預三傑宗門挺再生書仍橋畔得籌即幄中成混  
闢鍾靈異掀騰出衆驚踐駁初詰屈際合果昭亨禮樂

真謀帥詩書可用兵地奄羲叔宅機握伏波營郡有前  
朝棄城多故尉爭按圖徵土貢內面奉王正文武扶令  
主韜鈴付夏卿忽移無棣履往致有苗征不改登壇禮  
親提賜劍名兢業方受脤節制更持衡大事精魂壯微  
軀感激輕軍容下瀨整殺氣渡瀘橫威已諸酋懽師無  
長子貞居然收上策坐見靜南荆崩角雕題拜飛星露  
布行禽蒐休義憤草偃服夷情國倚安危算人推儒術  
英千官陪飲至好及上林鶯

送林退齋中丞巡撫湖廣時方有征苗之役張  
淨峰公往為總督故末及之

江漢流南紀衡疑極帝巡肇州荆最遠列國楚難馴分  
鎮由來重仗材此日真威清霜簡峻寵建隼旗新儒學  
令乘勢朝廷正用人憂勞陶甓設瀟洒庾樓親執法兼  
移俗治軍更訓民百城迎按節二列喜行春太平多釁  
日小醜未康辰問罪揚旗正觀兵授鉞頻壺頭屯組練  
夏口逼勢塵凶吉資竒算安危倚大臣寧論權獨任還

以德為隣贊禹公如益唯須舞七旬

寄贈李三州中丞公征蠻十五韻

國有鬼方伐公膺神武求心勞邊圉計義副廟堂憂參  
伍看窺敵淵聞起壯猷善師遺下策決勝得前籌狼角  
芒初長龍標侵欲收蛇蟠竒布陣虎旅誓同仇賈勇皆  
超距先登自挾輒氣將忠憤作誅靡歲旬留螳背當車  
奮魚鬣入金遊殷紅塗草木慘黯變川丘止殺嚴申令  
貪功怒未休搗巢妖箐淨洗刃惡腥流築觀崇岡勢回

軍小海謳文儒兼武備道氣出陰謀磨壁題華界投戈  
憬衆酋如何論鉅盛方叔再興周

寄壽顧洞陽二十韻

明時方貴齒令德復推賢華胄承源遠高門積慶延羽  
儀塵埃表神觀沆瀣先茨墅寧迷道樓居即是仙枕藏  
鴻寶訣幾契漆園編玄鶴元長算靈椿本大年蕭疎霜  
髮凜綽約雪膚鮮金重腰能勝膳珍腹每便生平間點  
檢心事絕疵愰指屈讒誣盡眼眉權勢顛降祥真有在

受氣果能全孫曾森玉立軒冕會蟬聯難老由和萃尊  
鈴羨福駢典墳晚好甚池館野情偏勁力徵書法精心  
入詠篇鳥花愁品藻金石盛鏤鐫尺牘人懷去佳章客  
誦傳瞳方微露角背繭欲生綿喬衆仍茵鼎園黃却邑  
鄧他年輪壁聘更老帝筵前

寄壽華補菴十韻

間氣合調鼎中年遂掛冠沉思存竹素神授得金丹谿  
谷叅玄理丘園縱大觀開池馴浴鵠剪圃毓芳蘭鄴架

頻經閱陶琴不在彈形全糧可弭事省夢常安算甲天  
行遍孤辰夏日曼籛心應已化椿頌自多懽魚鳳琯盤  
重流霞玉琰寬遙知賓客盛桂氣集門闌

附五言絕句

夏日病居雜興十首

我病如草木夏日益以長不向本根誅何由柯葉穰  
空室寂無人幽襟坐自整吾心已不疑何用論弓影  
四體不可風多汗常如沐却妬西園裏涼飈振佳木

寥寥誰與論悄悄自懷恐他日理韋帶知當移幾孔  
雙眼如深谷顴峰為高岍撫鏡不欲窺自怪非吾面  
種藥元因疾疾如藥草驕壞欄除藥本與疾兩逍遙  
家人迎醫至與語岐黃事答言君已知揮手請相避  
十旬九不食氣息微微續豈必覓仙方即此堪避穀  
一卷黃庭經藏在枕頭裏因病少靜清聊得刊數字  
素約山中僧來期不煩訂今來問法門果識余非病



遵巖集卷五